

Javno preduzeće Veterinarska stanica Maglaj d.o.o.

Fikreta Dedića 5

74250 Maglaj; Tel/Fax: 032 607 165

Mob: 061 480 665 ; 061 191 280

e-mail: jp.vs.maglaj@gmail.com

JIB: 4218245340001 ; PIB: 4218245340001

Žiro račun: 199-046-000-326-7057 Sparkasse Bank

VETERINARSKA STANICA

FEDERACIJA BOSNE I HERCEGOVINE
OPĆINA MAGLAJ
Služba za boračko-invalidsku i socijalnu zaštitu,
opću upravu i društvene djelatnosti

PRIMLJENO	17. 03. 2025.		
Org. jedinica	Klasif. oznaka	Redni broj	Broj priloga
		2389	

OPĆINA MAGLAJ

jpvs/om 02/25

VITEŠKA 4 74250 MAGLAJ

OPĆINSKO VIJEĆE

PREDMET : Dostava Izvještaja o radu i poslovanju za 2024. God.

Pošt. Dostavljamo Vam Izvještaj o radu i poslovanju J.P. Veterinarska stanica Maglaj za 2024.

Godinu.

Izvještaj o radu i poslovanju J.P. Veterinarska stanica Maglaj d.o.o. za 2024.

Izvještaj o radu i poslovanju J.P. Veterinarska stanica Maglaj za 2024. godinu počeo bi konstatcijom da se u 2024. god u većem dijelu realizovao zacrtani plan rada. Obzirom da za vrijeme sačinjavanja Plana i programa rada za 2024. god nije obuhvaćeno sufinansiranje hvatanja pasa lualica jer u to vrijeme nije bio ni usvojeno , akcenat u Izveštaju će upravo biti na tom segmentu.

J.P. Veterinarska stanica Maglaj obavljala je sa sve redovne aktivnosti u 2024. godini. U izvještaju spomenut ćemo izraženo u brojkama samo neke. Od dijagnostičkih ispitivanja na zarazne bolesti ispitali smo ukupno po bolestima :

1. Bruceloza goveda 728 grla (identifikovano je jedno grlo pozitivno)
2. Bruceloza ovaca 121 grlo
3. Tuberkuloza goveda 824 grla
4. Zarazni mastitis 422 grla
5. Američka gnjiloća pčelinjeg legla 755 košnica
6. Enzootska Leukoza goveda 521 grlo
7. Salmoneloza peradi 300000

Nismo imali više slučajeva zaraznih bolesti osim sporadičnih što se pokazalo kod samo jednog grla koje je eutanazirano. Možemo slobodno reći da je po pitanju epizootiološke situacije naša općina uredna i slobodna od zaraznih bolesti u 2024. god

Od ostalih aktivnosti od vitalnog značaja za veterinarsku službu obavjali smo veterinarsko sanitarni nadzor nad proizvodima životinjskog porijekla, kontrola nad objektima za klanje i preradu mesa, dijagnostička ispitivanja na zarazne bolesti životinja, preventivna vakcinacija životinja protiv zaraznih i parazitarnih bolesti, umjetna oplodnju i suzbijanje neplodnosti kod domaćih životinja, liječenje domaćih životinja i kućnih ljubimaca. Od dijagnostičkih ispitivanja na zarazne bolesti domaćih životinja ostvarili smo (po pitanju obima ovih aktivnosti) približno iste rezultate kao i u prethodnoj godini.

Nadzor nad objektima za preradu mesa i klanje papkara pokazao je takode da je higijensko zdravstvena situacija u ovim objektima uredna. Pregled trupla i mesa odstrijeljene divljači unaprijeđen je i odvijao se pod nadzorom Vet. Stanice Maglaj i u prostorijama koje su potpuno opremljene u 2023 godini za te namjene. Nije bilo pozitivnih slučajeva trihineloze kod divljih

svinja u 2024. God. Nismo imali pojavu Afričke svinjske kuge na teritoriji općine Maglaj iako smo ovoj odnedavno prisutnoj bolesti u našoj zemlji poklonili puno pažnje. Djelatnik naše vet. stanice pomogao je kolegama iz susjedne općine u otkrivanju iste, jer na njegovu sumnju laboratorijski je potvrđen slučaj Afričke svinjske kuge. Slučaj je potvrđen na samom rubnom području naše općine tako da možemo slobodno reći da je ASK prisutna i kod nas.

Segment aktivnosti koji je podbacio je Vakcinacija pasa. Obzirom da se već godinama sistematski radi na ovoj aktivnosti ipak moramo spomenuti da je zbog nedostatka radne snage, zakašnjele akciji vakcinacije pasa te nešto slabijem odzivu vlasnika zbog obaveznog izdavanja petpasoša i nešto veće cijene usluge manji broj vakcinisanih pasa nego u istom periodu prošle godine. Ova aktivnost vršila se u najvećem obimu u 4. Kvartalu godine tako da smo planiranu aktivnost prenijeli za prvi kvartal 2025.

Što je već ranije spomenuto u tekstu, dat ćemo u Izvještaju akcenat na „Subvencija zbrinjavanja pasa litalica“. Da podsjetimo u 2023. God počela je saradnja Općine Maglaj i J.P. Vet. stanice po pitanju hvatanja pasa litalica u gradu sa Programom Uhvati, steriliši, pusti (nešto po ugledu na Dog Trust projekat u BiH). Činjenica je da je taj projekat bio početak saradnje Općine Maglaj i J.P. Vet. stanica Maglaj po prvi put. Ono što je važno spomenuti jeste da se iz Budžeta za 2023. god iz subvencija za zbrinjavanje pasa litalica izdvojilo oko 25% sredstava i ostvario ovaj Pilot projekat. Ovaj Program dao je rezultate i kao slijed stvari u 2024. Planiranjem Budžeta Općine Maglaj za 2024. god sredstva subvencija za Zbrinjavanje pasa litalica dodijeljena su J.P. Vet. stanica Maglaj. Obzirom da smo u ovaj Projekat ušli bez obostrano većeg iskustva Plan i program utroška sredstava je imao i svoje nedostatke i propuste a nismo uspjeli blagovremeno definisati nj obaveze iz Projekta. U početku smo pse hvatali i smještali u improvizirane objekte što je donosilo mnogo problema pa se u samom početku više stagneralo. Dio sredstava bio je operativan tek krajem maja mjeseca. Nedostatak radne snage za izgradnju objekta otežavao je i usporavao ostvarivanje Plana. Cijena usluga građevinskih radnika, varioca, keramičara, samog materijala bile su mnogo veće nego je to u Planu i programu utroška sredstava navedeno. Osnivanje higijenskog servisa čije je organizovanje spomenuto na sjednicama Općinskog vijeća nije realizovan, Zahtjev za izdavanje građevinske dozvole za objekat (Zahtjev podnešen još u augustu 2023. god. nakon Programa Uhvati steriliši pusti) nikad nije obrađen.

Ipak uprkos svim ovim otežavajućim okolnostima uspjeli smo izgraditi reprezentativan objekat za ove svrhe i pustiti ga u funkciju sredinom augusta 2024. Kroz ovaj smještaj za pse litalice je od tada prošlo oko 80 pasa. Trenutno stanje je 40 pasa. Neki su našli utočište kod novih vlasnika, bilo je i uginuća prethodno inficirane štenadi, eutanazije nismo vršili iako je bilo indikacija zbog nekih agresivnih pasa koji su remetili socijalizaciju ostalih pasa u skloništu. Postoji sumnja da je nepoznato lice pokušalo sa trovanjem pasa u oktobru 2024. U kojem je

stradalo 7 pasa. Sve u svemu sakupljeno je dosta informacija i iskustava po pitanju zbrinjavanja, ishrane , njege, planiranja utroška sredstava zaodrživost projekta... Ovaj Izvještaj trebao bi poslužiti da se isprave nedostaci i propusti koji su napravljeni ali i da se unaprijedi saradnja po ovom pitanju u narednom periodu.

Učinjeno je jako puno po ovom pitanju da nije slučajno da smo prepoznati kao jedna od rijetkih općina ZDK koja je ozbiljno pristupila ovoj problematici i to na duži period. Dobili smo i poziv od resornog Kantonalnog ministarstva da apliciramo na projekte ZDK za dodjelu sredstava ali pod uslovom da uspostavimo Higijenski servis i građevinsku dozvolu za objekat koji je već u funkciji. Što se tiče sredstava koje smo dobili za ovu namjenu moram spomenuti da je iskorišteno oko 75% a da su sa ostatakom sredstava planirane aktivnosti na uređenju prilazu objektu , spajanjem otpadnih voda na kanalizacionu mrežu te utopljavanju objekta i osvjetljavanju istog. Ove radove nismo bili u prilici završiti zbog loših vremenskih prilika krajem godine.

Što se tiče finansijske situacije preduzeća odgovorno tvrdim da preduzeće i pored stalnih povećanja cijena usluga dobavljača nema ni jedan fening duga. Redovno se izmiruju obaveze doprinosa i ostalih javnih prihoda prema FBiH što uostalom pokazuje i finansijski Izvještaj za 2024. god

Sumirajući rezultate iz 2024. god možemo reći da je i ova godina bila poslovno uspješna.

Maglaj 26.02.2025.



D I R E K T O R

Šehović H. Amer
Dr. vet. med.

A handwritten signature in black ink, appearing to be 'H. Amer Šehović', written over the printed name and title.